



Broj: 09-20-11-2-2222
Sarajevo, 28.09.2022. godine

Na osnovu člana 43. a u vezi člana 45. stav 2. Zakona o unutrašnjim poslovima Federacije Bosne i Hercegovina („Službene novine Federacije BiH“ broj: 81/14), člana 70. Zakona o javnim nabavkama BiH („Službeni glasnik BiH“ broj: 39/14) i preporuke Komisije za provođenje konkurentskih i pregovaračkih postupaka nabavki u 2022. godini, zamjenik direktora Federalne uprave policije d o n o s i

O D L U K U
o poništavanju postupka javne nabavke
Nabavka kamera, video nadzora i ostale elektronske opreme

I

Poništava se postupak javne nabavke „Nabavka kamera, video nadzora i ostale elektronske opreme“, LOT 1- Nabavka kamera, LOT 2- Nabavka projektora, LOT 3- Nabavka UPS i LOT 4- Nabavka prikrivene kamere za izviđanje, a u skladu sa odredbom člana 69. stav (2) tačke a), d) i e) Zakona o javnim nabavkama.

II

Za izvršenje Odluke zadužuje se Sektor za materijalno-finansijske poslove.

III

Ova Odluka objaviti će se na internet stranici Federalne uprave policije.

IV

Ova Odluka stupa na snagu danom donošenja.

O B R A Z L O Ž E N J E

Federalna uprava policije je provela konkurentski postupak javne nabavke „Nabavka kamera, video nadzora i ostale elektronske opreme“, broj Obavještenja o javnoj nabavci: 1412-7-1-215-3-113/22 od 15.09.2022. godine.

Javna nabavka je provedena putem konkurentskog zahtjeva za dostavu ponuda.

Postupak je provela Komisija za provođenje konkurentskih i pregovaračkih postupaka nabavki u 2022. godini, imenovana Rješenjem direktora Federalne uprave policije broj: 09-19/1-30-2-46 od 14.01.2022. godine.

U postupku je utvrđeno da je Komisija u svemu pravilno postupila, te da je preporuka o poništavanju postupka predmetne nabavke, data u skladu sa Zakonom o javnim nabavkama i tenderskom dokumentacijom.

Također, na osnovu Zapisnika o ocjeni i pregledu ponuda utvrđeno je da je Komisija blagovremeno i pravilno izvršila otvaranje ponude i ocjenu kvalifikovanosti ponuđača, a o čemu je sačinila odgovorajuće zapisnike, u kojima je utvrđeno sljedeće:

- da je zaprimljena 1 (jedna) ponuda, koja je ujedno i blagovremena, i to ponuđača „Energoinvest SUE“ d.d. Sarajevo za LOT 3 , dok za LOT 1, LOT 2 i LOT 4 nije bilo zaprimljenih ponuda (LOT 5 – poništen Odlukom broj 09-20-11-2-2222 od 26.09.2022. godine);
- da nije bilo neblagovremeno zaprimljenih ponuda;
- da je Komisija konstatovala da ponuda ponuđača „Energoinvest SUE“ d.d. Sarajevo, formalno-pravno nije ispravna iz sljedećih razloga:
 - tenderskom dokumentacijom su propisane minimalne tehničke karakteristike uređaja koji se traže, a u dostavljenoj ponudi i pratećim katalogima postoje odstupanja od traženih minimalnih tehničkih karakteristika. Za stavku pod rednim brojem 4. Obrazac za cijenu ponude- LOT 3 -Anex II tenderske dokumentacije tražen je ulazni napon u rasponu 140-300V , dok je ponuđač ponudio uređaj Eaton 5E 1100 kod kojeg je ulazni napon 170-280V, što predstavlja odstupanje od minimalnih traženih tehničkih karakteristika. Za istu stavku iz dostavljene dokumentacije nije bilo moguće utvrditi da li ponuđeni uređaj kao izlazni napon daje stabilisani sinusni napon 220V (što je traženo minimalnim tehničkim karakteristikama), obzirom da je u dostavljenom katalogu i popunjenim tehničkim karakteristikama od strane ponuđača navedeno samo da je izlazni napon 230V, bez podatka o obliku napona,
 - tenderskom dokumentacijom su propisane minimalne tehničke karakteristike uređaja koji se traže, a u dostavljenoj ponudi i pratećim katalogima postoje odstupanja od traženih minimalnih tehničkih karakteristika. Za stavku pod rednim brojem 3. Obrazac za cijenu ponude- LOT 3 -Anex II tenderske dokumentacije traženo je vrijeme rada 5,1 min. na 100% opterećenja i 17,2 min. na 50% opterećenja, dok je ponuđač ponudio uređaj PHOENIXTEC Innova 9S-3K kod kojeg je vrijeme rada 2,5 min. na 100% opterećenja i 19,3 min. na 50% opterećenja, što odstupa od minimalnih traženih tehničkih karakteristika. Za istu stavku iz dostavljene dokumentacije nije bilo moguće utvrditi da li se uz ponuđeni uređaj dostavlja i zamjenska baterija (što je traženo minimalnim tehničkim karakteristikama), te nije vidljivo očekivano vrijeme trajanja baterije (3-5 godina traženo minimalnim tehničkim karakteristikama). Pored navedenog nije bilo moguće utvrditi koji tip baterije se nudi (tehničkim karakteristikama tražena zaptivena, olovno-kiselinska baterija bez održavanja sa suspendovanim elektrilitom: nepropusna),
- da je cijena ponude znatno veća od procijenjene vrijednosti nabavke (procijenjena vrijednost nabavke za LOT 3 iznosi 3.384,62 KM bez PDV-a, a cijena ponude ponuđača „Energoinvest SUE“ d.d. Sarajevo za LOT 3 iznosi 5.730,00 KM (bez PDV-a) što je za oko 69.3% veće od procijenjene vrijednosti, i predstavlja znatno veći iznos od osiguranih sredstava za predmetnu nabavku

Iz navedenih razloga Komisija je dala preporuku o poništavanju postupka predmetne nabavke, a primjenom člana 69. stav (2) tačke a), d) i e) Zakona o javnim nabavkama, odlučeno je kao u dispozitivu ove Odluke.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od pet (5) dana od dana prijema ove Odluke.

ZAMJENIK DIREKTORA
Generalni inspektor policije



Ensad Korman

Dostaviti:

- Sektor za mat. fin. poslove
- ponuđačima
- u spis